



FA'ASILASILAGA FA'ALAU'ITELE FAUTUAGA MO LE FA'ALEAGAINA O TUPE PEPA

A'ō alo atu i le vaitau o aso fiafia, e toe fa'amanatu atu e le Faletupe Tutotonu o Samoa, i le mamalu o le atunu'u, le tãua o le tausia ma le vaaia lelei o tatou tupe. O tupe pepa o se tasi lea o vaega aupito sili ona taua i le tamaoaiga o le atunuu, ma o le faaleagaina o tupe pepa o le a avea ma tulaga sili ona mätuiã le tulafono.

1. FA'ALEAGAINA O TUPE PEPA O SE GAIOIGA FA'ASOLITULAFONO

E tusa ai ma le vaega 39 o le Tulafono a le Faletupe Tutotonu o Samoa 2015, o le tusitusia, sasaeina ma le fa'aleagaina i nisi tulaga o tupe pepa, e matuã fa'asãina. O nei fa'atinoga uma e fa'aleagaina ma suia ai foliga o tupe pepa.

2. FA'AAOGAINA O TUPE PEPA I "ULA TUPE" E MATUA FAASAINA

O le fa'aaogaina o tupe pepa e fai ai "ula" ma isi tulaga masani, e pei o le faapipi'iina i pine, gaugau po'o nisi auala e ono fa'aleagaina ai tupe, e lē fa'atagaina. O nei faiga faasolitulafono uma e matua faasaina.

3. 'AIAIGA O LE TULAFONO

O lē na te suia foliga o tupe ma taumafai e faaleaga tupe i auala faasolitulafono, o le a faasalaina i se tinoitupe e lei lalo ifo ma le 10,000 tala po'o le nofo sala i le falepuipui e lē ova atu ma le lua (2) tausaga po'o le fa'aogaina fa'atasi uma o ia fa'asalaga.

4. FAATUMAUINA O LE TAUO O TATOU TUPE

O le tausia ma le vaaia lelei o tupe pepa o le a fesoasoani tele lea i le faatumauina o le fa'aaogaina i le taamilosaga o tupe i se taimi umi, ae o le a avea foi ma auala e ono faaitiitia ai nisi tupe fa'aalu o la tatou tamaoaiga. O le fa'atauaina o tatou tupe o le fa'atauaina foi lea o lo tatou atunuu.

E talosagaina ai ma le agaga maualalo le mamalu o le atunuu, se'i tautuanã le tausia lelei ma faaoga tatau o a tatou tupe. O le malu puipuia lelei o tatou tupe o lã tatou galuega fai-faatasi.